

## Lë mùzichë in piasë

Dumènichë, in piasë, se sòn'në lë bandë,  
lë gentë lë vivë 'në fëstë pù grandë.  
Gh'é un cël sensë nùv'li, gh'é un vënt züghëtión  
che 'l mövë ël bënderi, che 'l stighë i pisón.  
Lë tūrë 'd lë piasë lë crësë 'në spanë,  
lë cantë sùt'vuzë c'm ël cõr 'd lë campanë.  
'l lë sa, c' l'é lë nonë 'd lë gentë pramzanë.

'l lë sa che dë st'urë, dëj bürg e dël strëdi,  
vén fõrë ël ragasi pù bèli e sfëcëdi,  
vestidi de scàmpoj, zgargiànti 'd culūr,  
cun j òc ët'sé lùstar ch' i përen di fiūr.  
Lë spëtë c'lë matë c' lë rìdë par gnentë,  
lë Nettë, par direg: «Pütén'në, sta ëténtë,  
gh'é 'l lupō c'm i barbìz lughë fra lë gentë!».

È rivë lë siurë Tugnén'në in chëpël,  
'në màn sensë guānt par fër vëdar l'ënèl,  
e sùtë ë lë bavrë, par t'gnìr fër'm ël gāt  
(ë tirë 'n'arién'në!) lë spilë d'õr māt.  
Lë va cun lë dandë, lë squasë lë cùë,  
lë për 'në reginë. Lë 's fermë là indùë  
ë gh'é menō plebe e lë piasë l'é sùë.

Lë trombë pù lüstrë lë 's mètë ë chëntër  
c'me 'n gāl sùtë ël fësti sarë in t'un grënër.  
Lë batë in ti vëdar, lë va só só só,  
lë për un gët d'aquë che 'd forsë 'g n'à pó,  
e ëdës lë sënducë, lë cõtë i su guāj.  
Lë gentë c'm ël cõr l'erë insimë ë cul zbrāj  
c'me 'l bali ëlzeri in ti sprìc di barsāj.

Mu guërdë chi `s vèdë: lë siurë Letisië!  
Lë g'à c'lë su vëstë culūr rigulisië.  
(Dëz ani c' lë 'g dūrë, cüzidë e scüzidë).  
Lë rivë ch'i sôn'nen lë mërcë 'd l'Ëidë.  
E Ricó 'l su spūz? C'me mēj élë dë lé?  
Lë va `dré lë mërcë, lë `s tirë mië indré...  
Mu `s vèdë, pardianë, che `g fa mēl i pé!

L'é inv'cëdë, l'é pasë, lë `n dīz pó: «me vój!»  
c'me `në voltë, puvrén'në. Par lézar l'arlójj  
lë `s mètë j ucēj e lë tūrë 'l lë jütë:  
lë sôn'në sīnc ūr. Cun sīnc bòt lë sëlütë  
lë siurë Letisië c' l'ën pōl stēr in pé,  
che ëdësë lë `s sèdë, lë c'mandë 'l chëfé,  
lë guërdë chi pasë e lë përlë dë lé.

Mu Pepó, ël siūr Pepó, dë dòp c' l'é in pensiòn  
l'à fāt ùnë cërë! Ël va sensë bëstón.  
L'é tùt vestì 'd nõv, c'm ël schërpi che scarsignë  
e sùtë i barbīz, c'me dù ciustar `d grëmìgnë,  
ël ridë parché, chi 'l lë vèdë `tsé drìt  
ël farà c'me cumënt: «Mu chi l'arìs dīt?  
C'm ël mēl che 'l pëtivë, tùti il dëven za frit!».

`Në mùzichë chietë, `në mùzichë basë,  
lë tuchë lë tèrë, lë mörë in t'lë piassë,  
lë fa strichër j òc ë lë siurë Cleméntë.  
Lë tūrë lë pēr `në chitarë insuniéntë.  
Lë só'në i quërt d'urë, lë cantë pù piàn  
c'me vón che 'l s'ëcòrzë che 'l fa tròp bacàn  
e in prësië ël se quatë lë bùchë c'm ël màn.

Tòh! 'l fiòl èd lè Cìnsië? Vint ān. Mu l'ān c' vén,  
ig tachen èl st'lèti, ig fàn pērd'r èl murbén!  
L'é bèl c'me 'nè statuë, l'é frānc c'me 'n sargēnt.  
Èl ridè vlunterè, par fēr vèd'r i dēnt:  
di dēnt èt'sé biānc c'me dël mandorli plēdi.  
Se pasè 'nè fiölè 'l ghe dà dèlij ucēdi  
't'sé forti che, èv zūr, i ~~papē~~ en burdēdi! *pēren*

Mu 'l mēestar l'é inchiēt, èl fa ségn èl burdón  
c' l'é urè èd dez'dères, che 'g vòl pù pēsión,  
lè notè che 'l sòn'nè, è l'é tròpè scürè,  
lè picè in t'èl f'nèstri c' lè fa fin pēürè:  
lè pēr 'nè sēsèdè tirèdè èj pison,  
'nè nùv'lè c' vén förè dēj porteg dël C'món,  
c' lè z'morsè lè vècè c' fa 'l sūl c'm i lutón.

*sturdidè.*  
E l'ariè èd lè piàsè lè rēstè  
L'é l'ùlt'mè sunèdè. Lè fèstè l'é f'nidè.  
Lè Nettè, sùt brās, lè s'invìè un pò indré;  
lè siurè Letisiè lè pèghè 'l chéfè;  
èl fiòl èd lè Cìnsiè èl nin cantè un cunsén  
e Pepor, èl siūr Pepor, che 'l spüsè za 'd vén,  
èl fis'cè l'Èidè che 'l pēr un uz'lén.

RENZO PEZZANI